

20.07.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 414717/05-Վ

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով 20.07.2020թ. թիվ 23034 վարչական իրավախախտման վերաբերյալ արձանագրությունը և կից նյութերը,

ՊԱՐԶԵՑԻ

«ԳԵԳՐԻ» ՍՊԸ-ի տնօրեն՝ Հարություն Գասպարյանը (ՀՎՀՀ՝ 00903026, հասցե՝ ՀՀ ք. Երևան, Մոլդովական 58 49) ՀՀ Հարկային օրենսգրքի 156-րդ հոդվածի 1-ին մասով սահմանված ժամկետում չի ներկայացրել 2020 թվականի փետրվար ամսվա եկամտային հարկի հաշվարկը, ինչի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Վարչական վարույթի շրջանակներում Հարություն Գասպարյանին փոստային ծառայության միջոցով հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագրի ստացման փաստը հավաստող ապացույց առկա չի եղել, ուստի ՀՀ ՊԵԿ իրավաբանական վարչության պետի կողմից 20.05.2020 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Կողմին հայտնաբերելու նպատակով ձեռնարկվել են համապատասխան միջոցներ: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում հայտնի է դարձել, որ Հարություն Գասպարյանը 2020 թվականի փետրվար ամսվա եկամտային հարկի հաշվարկը ներկայացրել է ՀՀ օրենսդրությամբ սահմանված ժամկետից 1 օր ուշ՝ 21.03.2020թ-ին:

Հաշվի առնելով վերոգրյալը և նկատի ունենալով, որ «ԳԵԳՐԻ» ՍՊԸ-ի տնօրեն՝ Հարություն Գասպարյանը 2020թ. փետրվար ամսվա եկամտային հարկի հաշվարկը ներկայացրել է օրենքով սահմանված ժամկետից 1 օր ուշ՝ 21.03.2020թ-ին, իրավախախտումը ունի նվազ նշանակություն, ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մաս՝

ՈՐՈՇԵՑԻ

1. Հարություն Գասպարյանի վերաբերյալ հարուցված թիվ 23034 վարչական վարույթը վերսկսել
2. Հարություն Գասպարյանին ազատել վարչական պատասխանատվությունից և հայտարարել բանավոր դիտողություն:

3. Հարություն Գասպարյանի վերաբերյալ հարուցված թիվ 23034 վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ





Ա. ՄՆԱՑԱԿԱՆՅԱՆ